

# TE HEHEURAA API

INEIA I TE PIHA NENEIRAA NO TE EKALASIA A IESU MESIA I TE FEIA MO'A I TE MAU MA-  
HANA HOPEANEI I PAPEETE, TAHITI, I TE MAU FENJA SOTAIETE, I TE MAU AVA'E ATOA.  
TE HOO E PITI FARANE I TE MATAHITI HOE.

Nu. 3

Mati. 1934

Mat. 28

*O tei farii i te maramarama ra e aore i faarue i te Atua,  
e noaa mai a ia ia'na te maramarama, e e tupu a hoi te reira  
maramarama i te anaanaraa mai e i te anaanaraa e tae noa  
atu i te mahana parau tia ra. B. F. 50: 24.*



Anatone W. Ivini.



E tiarehia te medebara mai te roti te huru. Aita e tata te ora nei o tei tauturu i te faatupuraa i teie nei parau, mai ia Anatone W. Ivini te huru, te taujuru hoê ia i roto i te peretiteniraa matamua o te Ekalesia a Iesu Mesia i te Feia Mo'a i te Mau Mahana Hopea Nei.

Mai to'na apî raa e tae roa mai i to, na paari raa te reira ta'na tufaa ohipa i roto i teie nei ao, oia hoi, te faauaraa i te medebara mai te roti te huru.

I te 16 no Tetepa i te matahiti 1852 ua fanau mai Anatone. E i to'na apî raa ra, ua faarue ratou, e to'na na metua, i New Jersy, to ratou fenua aia mau, e ua haamata ratou i to ratou tere i te tooa o te râ, e i Roto Miti Utaha. Ua haere mai ratou na roto i te medebara na nia i te mau mou'a e na roto i te mau huru vahi atoa, e ua farerei ratou i te mau ati huru rau, i te tahi taime ua pau ta ratou maa, ua roohia te tahi i te ma'i, e e mea pinepine te mau Initia i te haereraa mai i nia ia ratou e faatupu i te peapea. E 128 mahana te maoro raa no to ratou tere, mai New Jersey, to ratou fenua aia, a tae atu ai ratou i Roto Miti. E homa e, i teie anotau, na nia i te pahi reva, eita e pau te hoê mahana i teie ihoa tereraa. A hio taton i te huru o te feruriraa, e te ohipa tei ravehia e te taata i tera mau matahiti i mahi a'enei.

E mea poto roa to ratou parahiraa i Roto Miti; e i te avae Atopa 1861 ua anihia ratou e te Peretiteni o te Ekalesia te metua tane e te metua vahine no Anatone ia haere i te tufaa fenua apatoa no Utaha, ia aratai i te hoe mau taata, e ia faatia i te hoê na oire, e ia haamata i te ohipa faaapu i reira. Ua parahi ratou ireira e 34 matahiti. I te apî raa o to tatou taeae here ra o Anatone Ivini, ua poro haere oia i te Evanelia i rotopu i te mau ati Initia e ua riro oia ei hoa mau no ratou, ua ite oia i ta ratou re'o, e ia tupu te peapea i rotopu i te mau Inidia e te mau papaa, e ua o mai te mau Inidia, "A

tii ia  
i to'

Mexi  
e tae  
mau

Ekal  
mait  
te El  
te m  
oia e  
Ekal

itoito

Snow  
teie  
ratou

ia, U  
haere  
hi e l  
orora



tii ia Anatone e na'na e faaafaro i teie peapea e e farii matou i to'na mana'o e to'na hinaaro''.

I roto i te matahiti 1895 ua haere oia i roto i te fenua Mexico ei Peretiteni ia no te tîti o Juarez, e mai tera mahana e tae roa mai i teie nei, ua riro oia ei taata here hia e taua mau feia ra.

I te matahiti 1907 ua maitihia oia ei Aposetolo no te Ekalesia, e ua hoi faahou oia i Roto Miti, e i muri a'e, ua maitihia oia ei tauturu hoê no te Peretiteniraa matamua no te Ekalesia. E mea iti te taata i roto i te Ekalesia o tei ite i te mau haapiiraa no te Ekalesia mai ia'na te huru. Ua riro oia ei taata paari roa no te parau tuatapapa no te fenua, e te Ekalesia, e eita te taata e fiu i te faaroo i ta'na mau a'oraa.

Noa atu to'na paariraa, te vai noa nei to'na tino i te itoito e to'na reo papu.

I te 26 no to'na matahiti ua faaipoipo oia ia Elizabeth Snow, e ua fanau mai ta rana e 8 tamarii, ua paari ratou i teie nei, e te haapao noa nei ratou i te mau haapiiraa ta to ratou na metua i haapii ia ratou.

'Te eâ i haere hia e Anatone i roto i teie ao e eâ fifi roa ia, Ua farerei oia i te mau ati atoa, noa atu ra i te reira, ua haere noa oia, e i teie nei, tei nia oia i te mou'a teitei te vahie hiohio ai oia e te mau taata atoa; e ia maoro roa to'na ororaa i rotapu ia tatou o to tatou ia pure.

*i Papaihia e Leroi Marori.*

## Na Te Mau Tuahinine.

Na te mau tuahine no te pae ao Moana Nei, ia ora na



outou e tatou atoa i roto i te aroha a to tatou Atua.

I te 17 no Māti i teie matahiti 1934 e riro ia e 92 matahiti te maororaa mai te taime i faatiahia ai te Pupu Faaora No te Mau Tuahine e tae roa mai i teie nei. E ia feruri tatou i uia i te mau ohipa i ravehia ua ite tatou e, na roto i te Varua o te Atua i faatiahia ai taua ohipa ra. Mai tera mahana e tae roa mai i teie nei aita e nehehe ia tatou ia taio i te mau taata o tei tauturuhia, e teie Pupu no te mea, aita i faaitohia te taata i tauturuhia. Te tauturu noa nei teie Pupu i te mau taata atoa, noa atu i ta ratou haapaoraa, e noa atu i to ratou huru.

I te 17 no Māti i te matahiti 1842 i faatiahia ai teie Pupu e te Peropheta ra o Iotepha ratou o Viriadi Ritedi e o Ioane Tela, e e 18 vahine tei roto i te Pupu i te taime i faatiahia ai.

Ua haamatahia te pureraa na roto i te hoê himene, (*The Spirit of God Like a Fire is Burning*). Na Ioane Tela te pure matamua, ua faaito atu te Peropheta i te tumu e faatiahia ai teie Pupu, e i muri a'e ua maitihia te mau tuahine faatere. Ua maitihia o Emma Smith ei Peresideni, o Darah McClelland ei tauturu hoê, e o Elizabeth A. Whitney ei tauturu piti, e o Eliza R. Snow ei papai parau.

Na te Peropheta i haapii ia ratou i te faatereraa i te mau ohipa no te haapaoraa i te taata veve e tei mauini, e ua na ô atura oia ia ratou e "Tei ia outou te ohipa ia tamahana-hana i te aau o tei roohia i te ati e faaamu i tei poia, e e haapao i te tino o tei pohe".

E i te reira taime ua horoa atu o Iotepha e 5 dala i roto i te afata moni a te mau tuahine mai te parau e, "Mai teie mahana â ia tauturu vau i te taata veve ia tauturuhia ia na roto mai i te afata moni a te mau tuahine".

E 18 Tuahine i roto i te Pupu i te mahana i faatiahia ai, e i teie nei, e noaa ia e 64,000 tuahine i roto i taua pupu ra.



e te vai nei teie mau Pupū i te mau fenua atoa, e ua ite te mau taata o te Hau i te ohipa maitai i ravehia e teie Pupū.

No reira e au mau tuahine i te pae moana nei, a faaitoito tatou i roto i teie ohipa maitai.

Papaihia e

*Muria Marori*

*Peresideni no te Mau Tuahine i te Pae au Moana Nei.*

## Te Ekalesia I Hawaii.

Ua titau maira Leroi Peresideni ia'u ia faaite atu i te huru no te ohipa a te Ekalesia i Hawaii, e no reira te faaite atu nei au e, te vai nei e hoê ahuru ma piti tauatini melo no te Ekalesia i Hawaii i teie nei. No te mea aita e ravai te mau Orometua papaa no te faatereraa i te mau ohipa atoa i teie tau ati nei, ua maitihia te hoê mau maohi no Hawaii iho ei mau Orometua Faane no te poro-haereraa i te Evanelia, e te rave itoito nei ratou i te ohipa.

E nau hanere melo apî tei p-petitohia i roto i te Ekalesia i teie matahiti i mairi a'enei, na te reira e faaite mai e te haere noa nei â te ohipa a te Atua i mua i taua mau motu ra.

Te faatia nei te Hau i te mau Orometua ia haere i te vahi i haapaohia no te feia oovi i Molokai e i Honolulu hoi no te tautururaa e te tamahanahanaraa atu hoi ia ratou, e na manruuru roa ratou no te mau parau apî i faaitohia atu ia ratou.

Te faatere-noa-hia nei te mau oroa i roto i te Hiero i na mahana e piti i te mau hepedoma atoa ra, e e rave rahi te taata tei haapao i te mau ohipa i reira.



E mea itoito roa te feia apî i te raverāa i ta ratou mau ohipa.

Te haapao nei te Feia Mo'a i te mau ohipa atoa no te Evanelia, e te farii nei hoi ratou i te mau haamaitairaa rarahi no te reira.


Teie te hoê parau rii poto na roto i te reo Hawaii, na te reira e faaite mai ia tatou e, hoê â tumu to te reo Tahiti e te reo Hawaii.

Ke haawi aku nei au i ke aloha o ka poe Hawaii ia oukou o Tahiti nei. O oukou ke ohana hookahi no oukou palua. Ua piha no na naan o ko Hawaii poe i ke lokomaikai, ke aloha, ka maikai, a i ko'u ike ana ua like no oukou ia oukou. Ke mahalo aku nei au ia oukou no ka oukou hana maikai ana ia'u oia au ma Tahiti nei, a na. Ke Ahua e hoapomaikai ia oukou. O Ka'u pule keia.— Ia ora na!

Papaihia e Harisona  
(Vestil S. Harrison)

Ua papaihia teie parau i nia nei e te hoê Orometua tahito o tei poro-haere i te Evanelia i te fenua Hawaii i na matahiti i mairi a'enei. Ua tere maira oia i Tahiti nei no te mataitairaa e te haapiiraa hoi i te huru no teie pae o te ao nei.

Ua ite hia teie oire i Amerika apatoa e Charles A. Lindbergh e na neneihia te hohoa na nia mai i to'na pahi reva.







E hohoa o te mau Inidia i te fenua Amarika apatoa,  
ua neneihia teie hohoa e Melavina J. Balada.





E hohoa teie no te mau tiahapa o te Inidia i mutaa ihōia,  
aita â ratou i farii i te Evanelia i reira.



E hohoa hoi teie no te Inidia i teie rei, ua farii i ratou i te  
Evanelia e ua putuputu maira ratou i Roto Miti  
i Utaha, no te Amuiraa rahi i reira.

ia out  
te ma  
roa ra  
taata  
matap  
haere  
mau e  
te hoē  
i ofati  
metua  
no te  
atu ne  
pape  
te ma  
raua t

te Pap  
vahi ta  
matou  
reira.  
ratou i  
Ua faa  
mau h  
buka i  
i te ra  
rahi ho  
outou i  
to'e ta  
rotopu



## E Tohura I Faatihia Ra.

E rave rahi te avae tei pau ia'u i to'u haereraa mai ia outou; no o mai na vau i te mairiraa mahana ra. O outou te mau hoa no to'u hui tupuna, o tei haere paatoa na te e'a roa ra. I haere mai nei au ma te mata araara rii no to'u mau taata o tei parahi i roto i te pōiri. Te hoi atu nei au mai te matapo ra. Nafea vau e hoi matapo ai i to'u mau taata? I haere mai nei au ia outou ma te rima puai, no roto mai i ta'u mau enemī e te mau fenua ēē hoi, ia tia ia'u ia faahoi atu i te hoē faufaa rahi ia ratou ra. Te hoi atu nei au mai te rima i ofatihia ra, e aore hoē mea i roto i to'u na rima. Toopiti metua tei haere mai i pihai iho ia matou, e na aito rahi raua no te mau tan toetoe e te mau aroraa e rave rahi. Te faarue atu nei matou ia raua ia taoto i ō nei i pihai iho i ta outou pape rahi e to outou mau tiahaparaa hoi, Ua rohirohi raua i te mau avae e rave rahi ( i te haereraa ) e ua motumotu to raua tamāa ( i nia i te e'a ).

Ua tono maira to'u ihora feia ia'u nei no te tiiraa i ta te Papaa Buka No Te Rai. Ua aratai outou ia'u i te mau vahi ta outou i faatia i ta outou mau vahine ia ori; aita hoi matou e na reira i ta matou mau vahine, e faore te buka i reira. Ua aratai atura outou ia'u i te mau vahi e haamori ai ratou i te Varua Rahi ma te kanela ra, e aore te buka i reira. Ua faaite mai outou i te hohoa no te mau varua rahi, e te mau hohoa hoi no te fenua maitai i tera pae ia, e aore hoi te buka i itehia i rotōpu i taua mau mea ra no te faaiteraa mai i te ravea ia matou. Te hoi atu nei au na te e'a roa e te oto rahi hoi i to'u mau taata i te fenua pōiri ra. Ua faateiaha outou i to'u na avae i te mau tao'a aroha, e e motumotu hoi to'e tamāa i te amōraa atu i te reira, aore rā hoi te buka i rotōpu i taua mau mea ra. Ia faaite atu vau i to'u mau taata



veve e te matapo hoi i roto i te apooraahi rahi i muri a'e i te toparaa hiona nei e, aita vau i afai mai te buka, aita hoê parau e parauhia e to matou mau taata paari e aore râ te mau aito apî ra, e tia tataitahi noa mai ratou i nia e e haere mamu noa atu ratou i rapae. E pohe to'u mau taata i roto i te poiri, e e haere ratou na te hoê e'a roa i te tahi mau tiahaparaa ê atu ra, e aore hoi e Buka na te Papaa no te haamaramaramaraa atu i te e'a. Aita atu ta'u e parau.

E parau oto e te peapea rahi hoi teie na te hoê raatira Inidia na te nunaa i parauhia te nunaa ( Flathead ). Ua farii taua mau Inidia ra i te hoê orama i te matahiti 1832 o tei faaue atu ia ratou ia tere atu i te hitia o te râ i Amerika ei reira e itehia ai te hoê Buka No Te Rai i roto i te rima o te hoê mau papaa; e o te ravea hoi taua buka ra no te Ora.

Ua haere taua mau taata Inidia ra i te hitia o te râ, e farerei ratou i te hoê mau papaa i reira. Ua arataihia atu ratou i te mau fare arearearaa e aita roa atu i itehia te ravea no te ora i reira. Ua arataihia hoi ratou i te mau fare pureraa e aore ratou i ite i te buka i hinaarohia i reira. Ua feaa atu ra te feia Inidia e ua hoi atura ratou i to ratou fenua ai'a, e aita i noaa taua buka ra ia ratou.

Aita râ ratou i tae atu i te tiahaparaa tano ra, te vai noa ra taua buka ra i te tahi vahi ê atu ra, e o taua buka ra o te Buka a Moromona ia tei iritihia e Iotepha Semita, te Peropheta, na roto i te faaneraa e te mana o te Atua ra. Eaha tatou e ite ai e o te Buka a Moromona te buka i titauhia e te feia Inidia ra, maori râ o te papaa parau ia no to ratou hui tupuna o tei mau i te mana no te Autahuaraa i mutaa ihora, e o tei rave hoi i te mau ohipa no te Evanelia.

I te matahiti 1828 ua tohu maira Iotepha Semita e, e e horoahia taua buka ra i te feia Inidia. "E tae atoa mai hoi te reira faaite i to te ati Lamana ----- E ia roaa i to te ati

Lam  
faait  
turi  
na ro  
roto  
ua pa  
e ua  
haere  
oia h  
hia te  
Inidia  
heura

Atua  
haere  
buka  
taraa  
o tei  
râ e f  
te ma

na, a  
faafar  
haere  
4:5,6.



Lamana i te ite i to raton ra mau metua, e ia ite ratou i te faaitelia mai e te Fatu, ia farii ratou i te Evanelia e ia tia-turi i te maitai e vai ia Iesu Mesia ra, e ia faahanahanahia na roto i te faaroo i to'ua ra i'oa, e ia faaorahia ratou na roto i te tatarahapa, Amene". ( B. F. 3:18, 20. ) E no reira ua papu roa ia tatou e ua tae te faaiteraa a te Atua ia ratou e ua imi ratou i taua buka ra ei aratai no ratou. E te a'o haere noa ra te mau Orometua i te Evanelia i te ati Lamana, oia hoi te feia Inidia i taua taime ra, no te mea ua haamata hia te ohipa poro-haereraa i te Evanelia i rotopu i te feia Inidia e Olive Tantere i te matahiti 1830 na roto i te hoê he-heuraa tei horoahia mai e te Atua ( B. F. 28:8. )

E e mea papu roa ia tatou e ua tae te faaiteraa a te Atua i taua raatira Inidia ra e ua haere atura oia e ua imi haere oia i "Te ravea No Te Ora", e te imi noa ra oia i taua buka ra a parau mai ai oia i te parau i papaihia i te haamataraa i teie nei parau. Ua tano atura ia te parau a te Atua o tei na ô mai e, "E ore te Atua e rave i te hoê mea maori râ e faaité mai oia i taua mau mea ra i ta'na ra mau tavini te mau Peropheta na mua".

*Papaihia e MITIELA*

## Te Faafariuraa o te Aau.

Inaha, e tono na vanu i te peropheta ra ia Elia ia ontou na, a tae atu ai i taua mahana rahi mata'u o Iohova ra; ia faafariu oia i te aau o te tamarii e to ratou mau metua, o te haere mai hoi au, e o te tairi i te fenua nei i te ino. Malaki 4:5,6.

O vai teie taata tei parauhia, o Elia? Teie ia, na para-



hi oia i nia i te ao nei e 900 matahiti hou o Iesu, e ua haapao oia i te mau faaneraa atoa ta te Atua i horoa ia'na noa atu i te mau hamani ino raa o to'na mau enemi. Eaha ia te tumu ua tonono mai te Atua, ia Elia ia faafariu oia i te aau o te tamarii e to ratou mau metua? Teie ia, no te mea tēi ia'na te mau taviri hopea no te reira mau ohipa; oia hoi, tei nia iho oia i te Autahuaraa teitei a te Atua. Ia rave oia i te hoe ohipa na roto i te i'oa o te Fatu ua haamauhia i te reira i nia i te ra'i e ua tia te reira ohipa a muri noa atu. Eaha te reira ohipa tei parauhia te faafariu i te aau o te tamarii i to ratou mau metua? Teie ia, te faatuatiraa i te mau tamarii i to ratou mau metua mai ia Adumu mai â, e tae noa atu i te hopea o teie nei ao.

No reira te faaroo nei tatou e, oia hoi te Ekalesia nei, teie ia te tau no te rave raa i te reira ohipa, no te mea e, ua horoa o Elia ia tatou i te mana no te faafariuraa i te aau o te tamarii i to ratou mau metua. E ia ore tatou e rave i te reira ohipa e tairi te Atua i te ao nei i te ino. Eaha te ravea no te faafariu i te aau o te tamarii i to ratou mau metua? Teie râ, ia faaoti te feia ora nei i roto i te Ekalesia, te ohipa no te feia i pohe mai te farii ore i te Evanelia i nia i teie ao. No te mea aita e nehenehe ia ratou ia rave i te reira ohipa i te pae varua, e aita e nehenehe ia ratou ia haere i mua â maori ra ia farii i te bapetizo e te mau ohipa oroa i nia i teie nei ao. E na roto i te raveraahia e te feia e ora nei, i te reira ohipa, e faafariuhia te aau o te tamarii i to ratou mau metua, e e faafariuhia i te aau o te metua i ta ratou mau tamarii.

Ua faatiahia e te Ekalesia nei, e 7 hiero no te raveraa o teie ohipa e ua itoitō roa te mau taata no te imi raa i te mau parau tuatapapa e te raveraa i te ohipa oroa no to ratou mau fetii tei pohe. E ia farerei faahou ratou i te pae varua, e i ia to ratou aau i te oaoa no te mea hoê â to ratou vahi



parahiraa.

*Papāihia ē Heta*

## Ua Hoi Ta Tatou Orometua.

I te 27 no Febuare nei ua reva atura o Mitiela i to'na fenua ai'a, oia hoi Logan Utah.

Ua tae mai oia i Tahiti nei i te 6 no Ditema i te matahiti 1930. Mai Tahiti, ua haere oia i Tubuai ia poro-haere i te Evanelia; e e hoê matahiti e te afa te maororaa o to'na faaearaa i taua fenua ra. Mai reira ua haere oia i te mau fenua Tuamotu, e ua faatere noa oia i te ohipa i reira e tae roa mai i te mahana matamua no Febuare 1934, te taime ia ua haere mai oia i Tahiti nei, no te faaineineraa i ta'na mau ohipa no te revaraa. Ua rave itoito oia i te ohipa i teie pae au. Ua ite papu oia i te reo Tahiti e te mau haapiiraa no te Ekalesia, e ua rahi roa te mau ohipa maitai ta'na i rave, e e riro te reira ei haamaitairaa no te mau melo no teie pae au.

E teie nei, ua tae to'na tau, e ua oti nehenehe roa ta'na mau ohipa, e te haere atu nei oia mai te maitai e te pea-pea ore ia farerei i to'na metua tane e to'na metua vahine e te mau fetii i reira.

E Mitiela e, ta matou Orometua here e, eiaha oe e manao e e moehia oe ia matou, e te mau ohipa maitatai ta oe i rave i rotopu ia matou; e vai te reira ei tapao no to matou aroha e te haamanaoraa ia oe i roto i ta matou aau.

Ia tae oe i to oe fenua mai te maitai e te pea-pea ore, ia riro ta oe farereiraa i to oe mau fetii ei farereiraa hanahana roa, e ia maitai to oe faaearaa, e ta oe ohipa i reira, o ta matou ia pure.

I i ora na oe i te aroha mau o to tatou Atua.

*Te Heheuraa Api.*



## Te Mau Parau Api.

Ua afai mai nei te pahi reva Farani ra o Emerod i na boropatete e hoë ahuru ma piti mai Algiers mai, e ua tae mai nei i Paris i roto i na hora e pae e e hoë ahuru ma pae miniti. Ua mau oia na nia a'e i te mau ata, e pae tauatini e toru hanere metera na nia i te miti Mediteranea. Ua tere oia e 276 Kilometera i te hora. Teie tahoëraa faahiahia ra ua i roa ia i te mau parau fafau nehenehe, i te haafatataraa i teie ra oire rarahi nei.

Ua pohe atura o Deloris Persinger, e hoë ahuru ma piti to'na matahiti, no te mea ua tahe noa te toto na roto atu i to'na ihu. Ua imi te mau taote i te mau ravea atoa ia ore te tahe-noa-raa i to'na toto, e aita roa hoë ravea i itehia e ratou ra. E 287 mahana te tahe-noa-raa i te toto, mai te mahana i rohia ai oia i taua ati ra e tae noa atu i to'na poheraa ra.

I te 22 no Febuare nei e faatiahia ai te hoë motoraa rahi no te mau aito rarahi, i Florida Amerika, e moto Carnera te champion no te ao paa-toa nei, ia Loughran o tei hinaaro i te haru i te hatua. Ua parauhia te mau titeti no te pae aua motoraa e 10 dala moni Marite, e tae noa atu i te mau parahiraa i muri roa, e 2 dala ia.

Te taoto noa nei â Patricia Maguire, e aita roa e nehenehe i te mau taote ia faaara ia'na. E 22 avae to'na taoto-noa-raa i teie nei, e ua manao ratou e ua fatata oia i te ara mai i te mahana fanauraa a'enei e ua faaineine ratou i te hoë oroa arearearaa na'na, no te reira mahana, aita râ oia i ara mai.

LOUIS-DROLLET *Gérant*  
L. R. MALLORY *Imprimeur.*

Rue Dumont d'Urville, Orovini, Papeete, Tahiti.

